

---

**SRG SSR idée suisse**

# update

2/07

---

## Impressum

### Editura

SRG SSR idée suisse  
Communicaziun d'interpresa, 3000 Berna 15  
info@srgssrideesuisse.ch

Redacziun Katrin Hemmer  
Translaziun Ladina Parli  
Design [www.publicis.ch](http://www.publicis.ch)  
Producziun, layout e grafica [www.lms-media.ch](http://www.lms-media.ch)  
Stampa [www.sondereggerdruck.ch](http://www.sondereggerdruck.ch)

Data da publicaziun 15 mars 2007

Update cumpara er en moda electronica en tut ils quatter  
linguatgs naziunals. La versiun electronica pon ins abunar sin la  
pagina [www.srgssrideesuisse.ch](http://www.srgssrideesuisse.ch) sur il servetsch da mail ubain  
chargiar da la rubrica documents sco pdf sin l'agen computer.

## La SRG SSR l'onn d'elecziuns 2007

---

- Editorial ▷
  - Obligaziun augmentada d'avair quità l'onn d'elecziuns ▷
  - Il barometer d'elecziuns: al puls dals electurs ▷
  - Smartvote: agid d'eleger cun in clic ▷
  - La calculaziun approximativa: precis e spert ▷
  - I vegn preparà a tut pudair ▷
  - L'ABC d'elecziuns a la telescola dad SF ▷
- 

[PRINT ALL](#)

## Cuntegns empè d'inscenzaziuns

Il 21 d'october 2007 elegian ils Svizzers e las Svizras in parlament nov. Quel di è fitg impurtant per la Svizra: las elecziuns repartan las relaziuns da maiortad en il parlament nov. Ed i vegn instradada la cumposiziun dal nov cussegl federal ch'il parlament vegn ad eleger la sessiun d'enviern.

Las elecziuns n'han dentant betg lieu mo quella fin d'emna. Ellas cumenzan gia bler pli baud: cun furmar l'opiniun dals electurs e las electuras. Retscherchas mussan che las emissiuns da la SRG SSR durant il cumbat electoral èn ina da las funtaunas las pli impurtantas dals electurs. En las emissiun electoralas duai dar ina concurrenza averta d'ideas, concepts e programs che pussibilitescha als electurs da decider, tge partidas e tge candidats ch'als plaschan il pli bain. En las emissiuns avant las elecziuns è la SRG SSR, sco med da massa che serva al public, obligada da dar schanzas lealas da sa preschentar a tut las forzas dal spectrum politic ch'adempleschan tscherts criteris.

Gist en las medias electronicas vegni persunalisà, emoziunalisà ed inscenà en il cumbat electoral. Tgi che sa discurre ed argumentar bain, ha in avantatg. Quai na falsifitgescha dentant betg la concurrenza: persvader ad auters da las atgnas ideas è ina part da la politica. La SRG SSR vegn a dar in grond spazi a las elecziuns 07 en ses programs. Cun quai vul ella cunterfar a la tendenza da depolitisar. Ella rapporta dals cuntegns e betg da l'emballaschi. Quai vul er dir: ils schurnalists e las schurnalistas da la SRG SSR na suondan betg mo als temas ch'ils strategs da partida han elegi per il cumbat electoral, els met-

tan er agens accents. Er la confruntaziun dals giasvischs e la realitad tutga tiers: tge han empermess las partidas ed ils politichers avant quatter onns, tge han els tegni? La SRG SSR metta cun quai in accent cunter la nauscha memoria: quella dals candidats e quella dals electurs e las electuras.

**Ueli Haldimann**

Responsabel per las elecziuns 2007

Conferenza dals charedactors SRG SSR

# Obligaziun augmentada d'avair quità l'onn d'elecziuns

La SRG SSR accumpogna las elecziuns dal parlament cun blers rapports ed emissiu avant, durant e suenter las elecziuns. Cun sias contribuziuns da radio ed emissiuns da televisiun e cun sia offerta da multimedia vul contribuir la SRG SSR substanzialmain a l'opiniun dals electurs e las electuras. Las elecziuns èn ina acziun publicistica gronda per la SRG SSR – cun ina obligaziun augmentada d'avair quità cun rapportar e far las emissiuns.

Las preparativas per las elecziuns dal parlament giran a tut pudair, betg be tar las partidas, ma bain er tar las medias. Sco interpresa da servetsch public gioga la SRG SSR ina rolla impurtanta cun rapportar da la politica ed ella ha ina gronda responsabladad. Las elecziuns dals cussegls naziunal e dals stadis èn in dals projects gronds da la SRG SSR. Ils rapports da la SRG SSR duain servir concretamain a quels che vulan eleger. La SRG SSR vul gidar ad infurmar las electuras ed ils electurs fundadamain da las partidas e persunas che

candidateschan. Ella vul gidar als electurs a sa far ina opiniun ed a sa decider.

## La devisa d'esser objectiv e multifar

Ils charedactors da tut las interpresas da radio e televisiun han definì a chaschun da lur conferenza naziunala, tge directivas che duain valair per las emissiuns da radio e televisiun davart las elecziuns federalas 2007. En general valan per las emissiuns electoralas las medemas reglas sco per tut las autras emissiuns er: en emprima lingia las devisas d'esser objectiv e da preschentar la multifariadad d'eveniments ed opiniuns. La devisa d'esser objectiv vala per mintga emissiu, la multifariadad da las opiniuns sto esser vesibla en la totalità da las emissiuns e sche pussaivel er en las grondas emissiuns cuntradictorias. Pli datiers ch'il termin da las elecziuns vegn e pli rigurusmain che la SRG SSR applitgescha la devisa d'esser multifara.

Per furmar ses programs è sulettamain la SRG SSR responsabla. Quai excluda d'emetter spots da las partidas per sa preschentar. Reclama politica pajada na datti ni al radio ni a la televisiun u sin las paginas d'internet da la SRG SSR. Cun rapportar da las elecziuns è la SRG SSR libra: ils responsabels per il program decidan davart il lieu, la durada da las emissiuns e la furma schurnalistica da la preschentaziun. La devisa suprema è la multifariadad raschunaivla da partidas e candidats. Tgi che fa las dumondas als politichers e las politicras decida la SRG SSR. Ella fa quai tenor criteris professionals

## Extract da la charta da program da la SRG SSR

### 5. Imparzialità, objectività, varietad d'opiniuns

Nus essan averts per tut ils fatgs e las vistas ch'èn impurtantas per sa far ina opiniun e nus na favurisain naginas posiziuns u interess da partidas. Nua che nus prendain sez posiziun, sa basa quai sin noss giudicat objectiv. En noss programs dastgan commentar mo persunas cumpetentas, autorisadas da far quai.

### 6. Transparenza e furmaziun da l'opiniun

Areguard il caracter, las premissas ed ils resultats da nossa lavur essan nus dal tutfatg transparents. Nus mussain adina nossas intenziuns. Commentaris declerain nus sco tals. Quella transparenza è indispensabla per ina furmaziun da l'opiniun independenta ed objectiva.

ed ella guarda che la relaziun dad umens e dunnas al microfon saja equilibrada.

### Ilis criteris d'admissiun per partidas

En ils programs da la SRG SSR datti duas modas da rapportar: las emissiuns electoralas d'ina vart e las contribuziuns en las emissiuns da radio e televisiun actualas da l'autra vart. Sche politicras e politichers cumparan en l'offerta usitada da la SRG SSR – tar tge tema ch'i saja – vegni fatg atenziun che singulas partidas u candidats na survegnian betg la schanza da sa preschentar sur mesira. Quella regla na vala betg be per las emissiuns d'infurmaziun, mabain er per ils magazins e las emissiuns da divertiment da la SRG SSR.

Las emissiuns electoralas perencunter han explicitamain il caracter da plattafurma per las partidas. Là pon ellas preschentar lur posiziuns e las metter en discussiun. Las partidas resp. persunas vegnan sezzas a pled – ellas na vegnan pia betg mo caracterisadas dals schurnalists e las moderaturas. L'admissiun da las partidas a las emissiuns electoralas succeda sin basa da criteris che vegnan definids da las interpresas da radio e televisiun da la SRG SSR en las regiuns linguisticas. Da princip vala: tut las partidas, er pitschnas, duain avair la pussaivladad da preschentar lur posiziuns – en il radio ed a la televisiun. Per la dumonda, tge partidas che vegnan admessas a las emissiuns electoralas datti in sistem da criteris. Tgi che n'è betg anc represchentà en las partidas da l'assemblea federala sto esser represchentà en in minimum da parlaments chantunals cun ina fermezza minimala e/u avair preschentà glistas en in minimum da chantuns.

### Las controllas da qualidad 1999 e 2003

Tar las ultimas duas elecziuns dal parlament ha la SRG SSR laschè far controllas da qualidad ch'han focusà la preschentscha dad umens e dunnas en las medias. Suenter las elecziuns da 1999 e 2003 ha ella laschè far in studi davart la preschentscha

da candidats e collavuratur da la medias en ses rapports electorals, ensemen cun la cumissiun federala per dumondas da dunnas ed il cussegl federal. Facit: la part da dunnas en las emissiuns electoralas da 2003 n'era betg anc optimala, dentant megliera ch'en las emissiuns da 1999. Las perscrutaziuns scientificas han servì als responsabels pel program sco controlla da qualidad. Ilis resultats han mussà deblezzas, dentant er progress: en intervistas e rundas da discussiun guardan ils redactors ussa da betg dumandar sulettamain politichers ed experts, dentant er politicras ed expertas. Al microfon vegn discurren sche pussaivel in linguatg independent da la schlattaina.

Ilis charedactors dals radios e las televisiun da la SRG SSR èn stads cuntents cun ilis resultats, quels han correspundì a lur sforzs da represchentar commensuradamain schurnalistas e politicras en lur rapports. Ilis sforzs da preschentar gistamain dunnas ed umens cuntinuan, er e surtut l'onn d'elecziuns 2007.

# Il barometer d'elecziuns: al puls da las electuras e dals electurs

Tgi elegia tgi, tge temas occupan las electuras ed ils electurs svizzers? Quellas ed autras dumondas respunda il barometer d'elecziuns da la SRG SSR idée suisse. Adina in onn avant las elecziuns dal parlament entschaiva la SRG SSR ad observar las tendenzas dals electurs. Il barometer d'elecziuns sa basa sin otg retschertgas fatgas per incumbensa da la SRG SSR. Ils radios e las televisiuns da la SRG SSR rapportan regularmain dals resultats da quellas retschertgas, lur paginas d'internet approfondeschan quai ch'è vegnì ditg e mussà.

Tgi ha l'intenziun da sa participar a las elecziuns? Tge partida gudagnass las elecziuns, sch'il parlament vegniss elegi oz? Tge problem è il pli urgaint, tgenin duess la politica svizra resolver l'emprim? Tge partida s'occupa il meglier da quel problem? Quellas ed autras dumondas respundan electurs svizzers, sch'els fan part d'ina intervista al telefon dal barometer d'elecziuns. En otg rundas da retschertga da l'october 2006 fin l'october

2007 dumonda l'institut da perscrutaziun gfs.bern mintgamai almain 2000 electurs da tut las parts dal pajais, en tut pia 16 000 personas. La finamira dal barometer d'elecziuns èsi d'observar ed analisar la disposiziun politica da la Svizra fin al termin da las elecziuns. Il barometer d'elecziuns vegn fatg adina tenor il medem model e mussa midadas da las tendenzas e lur motivs. Grazia a la prova da controlla gronda pon vegnir repartids ils resultats approfondads tenor criteris sociodemografics. Il barometer d'elecziuns s'occupa mo da las elecziuns dal cussegl nazional. El sa restrenscha a la fermezza da las partidas. El renunzia da far calculaziuns davart ils mandats, cun quai che quels vegnan repartids dals chantuns.

## Il barometer d'elecziuns 2007 da la SRG SSR

|                          |  |
|--------------------------|--|
| clienta                  | SRG SSR idée suisse  |
| institut                 | gfs.bern, perscrutaziun per politica, comunicaziun e societad ( <a href="http://www.gfsbern.ch/">www.gfsbern.ch/</a> )   |
| totalità fundamentala    | Persones con diritto di voto in tutta la Svizzera  |
| metoda da retschertga    | intervistas al telefon sustegnidas dal computer (CAT)  |
| termin da la retschertga | otg rundas da retschertga da l'october 2006 fin l'october 2007   |
| prova da controlla       | pro runda almain 2000 personas, represchentativa, elecziun casuala, sistematica  |
| finamiras, temas         | il barometer d'elecziuns SRG SSR è in sistem d'infurmaziun fidà davart il stadi ed il svilup da la furmaziun d'opiniun avant las elecziuns dal parlament. Emprim tema accentuà il schner 2007: La pusiziun envers la violenza dals giuven. |
| emprim resultats         | <a href="http://www.polittrends.ch/wahlen/wahlbarometer">www.polittrends.ch/wahlen/wahlbarometer</a>   |

### Serius, credibel, senza speculaziuns

Il barometer d'elecziuns è daventà ina instituziun da la politica svizra. Igl è la retschertga la pli resguardada e vasta davart las tendenzas dals electurs en Svizra. Per las partidas resp. las politicras ed ils politichers èn ils resultats dal barometer d'elecziuns ina basa ed ina controlla dal success da lur lavur. Il barometer d'elecziuns garantiscech seriusità e credibilità ed è bainvesì, perquai ch'el refusa da specular. Per ch'era la preschentaziun dals resultats possia esser professionala, betg be la retschertga sco tala, vegn fatg mintgamai in briefing dals schurnalists e moderators da la SRG SSR che tgran las elecziuns. Il scienza politica

Claude Longchamp preschenta ils resultats e declera, co ch'els ston vegnir interpretads. Ils politichers, las partidas u gruppas da lobi che survegnan nauschs resultats en ina retschertga han spert la tendenza da dubitar da la seriusidad dal questunari, da la prova da controlla u da l'institut da retschertga. Che las retschertgas da la SRG SSR vegnan fatgas e preschentadas seriusamain fa che la SRG SSR è resistent a envers provas da repressiun da quels che n'èn betg cuntents cun ils resultats. SF ha p.ex. reglas cleras davart quel tema en sias directivas publicisticas: «la prova da controlla sto cumpigliar almain 1000 votants», hai num e «atgnas retschertgas vegnan fatgas mo dad instituts da retschertga d'opiniun renuads».

### **Resultats fin diesch dis avant las elecziuns**

Davart ils resultats dal barometer d'elecziuns raporta la SRG SSR mintgamai en sias emissiuns da novitads da radio e televisiun, sin Swissinfo e teletext. Er sin las paginas d'internet tar ils programs da radio e televisiun regiunals vegnan publitgads ils resultats, cun analisas approfondantas e blers links ad autras offertas d'internet tar quel tema. La SRG SSR resguarda rigurusmain las directivas da la federaziun interprofessionala Swissinterview: ils resultats da retschertgas dal barometer d'elecziuns dastgan vegnir publitgads fin il pli tard 10 dis avant las elecziuns.

## Smartvote: agid d'eleger cun in clic

La SRG SSR collavura per l'emprima giada cun Smartvote, in agid d'eleger online per cumparegliar las posiziuns politicas da candidats ed electurs. Sin dumonda da la conferenza dals chauradacturs ha cumprà la SRG SSR l'offerta da Smartvote centralmain, per la metter a disposiziun decentralmain: en ils quatter linguatgs naziunals sin las paginas d'internet dals radio e las televisiuns da la SRG SSR e da Swissinfo. Smartvote cumplettescha ils rapports d'elecziun dals programs da la SRG SSR a partir da la stad.



### Sut la marella da la scienza

Smartvote vegn accompagnà scientificamain en il rom dal program dal fondo naziunal «Challenges to Democracy in the 21th Century». Las retschertgas fatgas fin ussa tar ils candidats mussan ch'els beneventan la pussaivladad da sa preschentar. 30 fin 50 pertschient dals candidats dumandads èn da l'avis che Smartvote haja gidà en il cumbat electoral. Dals auters èn ils plirs da l'avis che l'agid d'eleger n'aveva nagina influenza. D'influenzas negativas ha malapaina insatgi discurre. Las electuras ed ils electurs dumandads han discurre a favur da Smartvote. Var trais terzs han inditgà ch'els sajan vegnids influenzads da Smartvote en lur decisiun: els hajan elegi er candidats da partidas ch'els na resguardian normalmain betg, ch'els sajan vegnids intimads da reponderar lur atgna posiziun politica e da s'infurmar vinavant. Ulteriuras infurmaziuns davart ils emprims resultats da las perscrutaziuns datti tar [www.nccr-democracy.unizh.ch](http://www.nccr-democracy.unizh.ch).

En Svizra stattan a disposiziun savens plirs tshient candidats e candidatas per ina elecziun. L'agid d'eleger online Smartvote contribuescha a la trasparenza. Sut [www.smartvote.ch](http://www.smartvote.ch) pon respunder candidatas e electurs dumondas tar temas politics actuals – a partir dal 1. da fanadur era directamain sin las paginas d'internet dals radios e las televisiuns da la SRG SSR. Ins po eleger tranter in questunari curt ed in extendi cun 25 fin 70 dumondas. Quellas vegnan cumponidas d'ina gruppa da politologas e politologs independents ed adattads a las elecziuns respectivas.

L'agid d'eleger online ranghescha ils candidats sin basa da la congruenza da las respostas. Ils electurs vesan immediat, tgi che corresponda il meglier a las atgnas posiziuns. En pli pon els far visualisar la cumparegliaziun: «Smartspider» mussa il profil dal candidat e quel da l'electura sin l'axa principala da dretg/sanester e liberal/conservativ.

### Cumplettaziun da medias e partidas

Smartvote gida a ses utilisaders da sa far ina opiniun davart la tenuta da las partidas e dals candidats. El fa ina proposta nunlianta che duai vegnir evaluada – sco fin ussa – cun ponderaziuns davart las preferenzas da la partida, la schlattaina, la vegliadetgna, l'experientscha e – las vistas da vegnir elegi. Smartvote è in instrument da lavur e cumplettescha las infurmaziuns che las electuras

ed ils electurs survegnan da las medias e da las partidas.

Per l'emprima giada è Smartvote vegnì duvrà tar las elecziuns dal cussegl naziunal 2003 e quai cun success: 255 000 interessents han laschè far ina proposta d'elecziun. Dapi quella giada è quel instrument vegnì duvrà per las elecziuns da la citad e dal chantun a Son Gagl, Turgovia, Turitg, Berna, Vad, Genevra e Tessin. La participaziun è stada gronda. A Berna p.ex. han emplenì 75 pertschient dals candidats il questunari da Smartvote, 10 000 – in terz dals votants – han laschè far ina proposta d'elecziun. Per las elecziuns federalas spetg'ins var 3000 candidats. Smartvote calculescha che passa 80 pertschient vegnan a sa registrar en la banca da datas da l'agid d'eleger online.

#### **La finamira: furmaziun politica e trasparenza**

Il project Smartvote vegn sviluppà e vendì da Politools. Politools è ina uniun independenta che sa deditgescha cun agid da l'internet a la furmaziun politica e la trasparenza. En l'uniun èn represchentads scienzads e scenziadas (politicas) da pliras universitads svizras. Smartvote n'ha naginas finamiras commercialas. Smartvote maina il margà dals agids d'eleger online ed è acceptà en tut la Svizra. Betg be la SRG SSR, er autras medias svizras collavuran cun Smartvote. Ulteriuras infurmaziuns datti tar [www.smartvote.ch](http://www.smartvote.ch).



## La calculaziun approximativa: precis e svelt

Dapi 1979 lascha la SRG SSR far calculaziuns approximativas il di da las elecziuns federalas. Quellas duain esser sveltas, dentant surtut precisas – sco 2003. Las previstas che la SRG SSR pudeva far quella giada sin basa da las calculaziuns naziunalas eran precisas fin ad in mandat. Grazia als resultats da las calculaziuns approximativas po scurzniir la SRG SSR il temp da spetga tranter il mument, cur ch'ìls locals electorals serran lur portas e la publicaziun dals resultats uffizials cun emissiuns electorals interessantas.

Cun calculaziuns approximativas prov'ins da predir il resultat effectiv da las elecziuns sin basa da resultats parzials ch'èn avant maun spert. La SRG SSR collavura per la setavla giada cun la gruppa da lavur Projections. Sias calculaziuns èn fitg precisas: tar las elecziuns dal cussegl naziunal 2003 ha preditg Projections la repartiziun dals mandats gia a las set la saira cun excepziun d'in unic mandat. Quest onn vul Projection esser anc pli svelta e precisa. Las emprimas calculaziuns approximativas chantunalas vegnan publitgadas uschespert ch'almain 15 pertschient da las vuschs d'in chantun èn dumbradas. Las calculaziuns approximativas chantunalas sa basan sin la cumparegliaziun dals resultats actuals da las vischnancas las pli spertas cun las datas correspudentas da las davosas elecziuns federalas. Per quels che calculeschan èsi perquai il pli difficil da predir ils resultats da partidas che candideschon da nov. Per las calculaziuns approximativas naziunalas vegnan resguardads fin 15 chantuns cun tschintg u dapli mandats.

### Crear tensiun e la mantegnair

Ils resultats da las calculaziuns approximativas tar las elecziuns federalas stattan a disposiziun a tut las redacziuns da radio, televisiun ed online da la SRG SSR. La dumengia d'elecziuns pon far ils schurnalists e las moderaturas emissiuns interessantas cun agid da las calculaziuns: la SRG SSR planisescha d'emetter suenter mezdi calculaziuns

approximativas e resultats dals chantuns e da far analisar ed interpretar els dad experts. Ch'i na sa tracta betg simplamain d'acrobatica da cifras vegnan a mussar ils discurs e las intervistas cun respresentants da las partidas resp. cun candidatas e candidatas e las emissiuns directas cun ils correspundents en ils chantuns: tgi gudogna e quant suverans èn ils candidats a la fin da la champagna? Las calculaziuns approximativas naziunalas davart la repartiziun probabla dals mandats dal cussegl naziunal vegnan ad esser prontas baud la saira e communitgadas en tut ils programs da la SRG SSR al medem mument. Gist suenter vegnan ils presidents e las presidentas da las partidas ed auters politichers superiors a prender posiziun.

### 80 spezialists da la calculaziun approximativa en acziun

Tar la gruppa da Projections appartegnan il manader scientific Rolf Nef, il manader da project e responsabel d'informatica Martin Muheim, Jürg Frischknecht e Christa Mutter, responsabels per l'organisaziun da las datas dals chantuns, circuits e vischnancas. La dumengia d'elecziuns recrutescha Projections supplementarmain var 80 persunas: 50 per rimnar las datas al lieu, 30 en la centrala da calculaziun al studio da televisiun da Leutschenbach.

# I vegn preparà a tut pudair

La SRG SSR idée suisse sa prepara a tut pudair per rapportar en ses programs da radio e televisiun da las elecziuns. Tge emissiuns duain vegnir producidas? En tge furma? Tgi moderescha, tge candidats duain vegnir envidads? En mintga unidad d'interpresa datti in manader d'elecziuns che cumpona cun ina grupp da schurnalistas, redacturs e moderaturas ina vasta paletta d'emissiuns electoralas.

Las elecziuns dal parlament federal vegnan fatgas surtut en ils chantuns. La SRG SSR rapporta perquai dals studios da radio e televisiun en las quatter regiuns linguisticas. Er ils correspundents regiunals sa deditgeschan al tema e dattan al public invista en quai che capita durant las elecziuns en las autras regiuns linguisticas. Il di d'elecziuns sco tal emetta la SRG SSR dals centers electorals a Cuir, Lugano, Geneva e Turitg. En general vala il princip territorial: ils politichers e las politicras fan ina visita en lur studio regional. Omogen en tut la naziun è il maletg da las emissiuns enturn las elecziuns: cun in logo d'elecziuns cuminaivel, in signet d'elecziuns e la medema decoraziun per tut ils studios dals radios e las televisiuns da la SRG SSR.

## Concepts d'emissiun attractivs

Ils rapports da la SRG SSR duain far gust da guardar e tadlar – e finalmain d'ir a l'urna ad eleger. Las emissiuns electoralas duain esser attractivas. Perquai vegnan ils radios e las televisiuns da la SRG SSR a sa deditgar cun tut ils meds schurnalistics al tema: cun rapports tar ils resultats ils pli actuals dal barometer d'elecziuns. Cun intervistas, nua ch'i vegn dumandà suenter. Cun purtrets da partidas grondas e pitschnas. Cun cumparegliaziuns analisantas da quai ch'è vegnì empermess e quai ch'è vegnì tegnì. Cun reportaschas che mussan tant las varts raziunalas da las politicras e dals politichers, sco er las emo-

ziunalas. Cun emissiuns da davos las culissas, p.ex. da la rolla dal cussegl federal en il cumbat electoral. Dentant er cun furmas interactivas che dattan al public la pussaivladad da prender part a la discussiun. Ina part impurtanta dals rapports d'elecziun vegn ad esser l'offerta d'internet dals radios e las televisiuns da la SRG SSR. Infurmiaziuns detagliadas davart l'offerta da la SRG SSR en connex cun las elecziuns dattan las unitads d'interpresa da radio e televisiun proximamain en lur conferenzas da medias.

## Las emissiuns electoralas èn bainvesidas

Far emissiuns electoralas dat blera lavur als col-lavuratur dals radios e las televisiuns da la SRG SSR. L'engaschament sa paja dentant: emissiuns electoralas èn bainvesidas tar il public da radio e televisiun. 2003 han ellas cuntanschì tut tenor emissiun e regiun tranter 30 e 50 pertschient da la part al martgà. Er ils rapports da radio e televisiun la dumengia d'elecziuns han chattà in grond interess, blers han guardà gia las emissiuns dal suentermezdi.

### Resonanza dal public a las emissiuns electoralas da la SRG SSR 2003

| Program      | emissiun                            | emis-<br>siuns<br>(senza<br>rep.) | part al<br>martgà<br>en<br>media* |
|--------------|-------------------------------------|-----------------------------------|-----------------------------------|
| SF 1         | Parteien im Kreuzverhör             | 10                                | 42%                               |
| SF 1         | Wahlarena                           | 4                                 | 27%                               |
| SF 1         | 10vor10: «Stimmung vor den Wahlen»  | 5                                 | 41%                               |
| TSR 1        | Face aux partis                     | 12                                | 28%                               |
| TSR 1        | Face aux (petits) partis            | 8                                 | 27%                               |
| TSR 1        | Le grand débat                      | 1                                 | 28%                               |
| TSR 1        | Soirée alémanique                   | 1                                 | 15%                               |
| TSR 2        | Les débats des États                | 7                                 | 6%                                |
| TSI 1        | Telegionale sera: «Speciali»        | 5                                 | 52%                               |
| TSI 1        | Domenica Forum                      | 4                                 | 38%                               |
| TSI 1        | Il Lunedì Forum: «Dibatti»          | 2                                 | 23%                               |
| TSI 1        | Il Quotidiano: «Confronto»          | 1                                 | 49%                               |
| TSI 1        | Note federali                       | 1                                 | 13%                               |
| SR DRS 1     | Parteien im Kreuzverhör             | 10                                | 50%                               |
| SR DRS 1     | Wahlgipfel                          | 7                                 | 49%                               |
| SR DRS 1     | Wahlgipfel: Live-Reportage          | 7                                 | 25%                               |
| SR DRS 2     | Wahlgipfel: Live-Reportage          | 7                                 | 6%                                |
| SR DRS 3     | Wahlgipfel: Hearings                | 7                                 | 12%                               |
| SR DRS 1     | Echo der Zeit: Wahlgipfel (Schluss) | 1                                 | 49%                               |
| SR DRS 2     | Echo der Zeit: Wahlgipfel (Schluss) | 1                                 | 15%                               |
| RSR La 1ère  | Les Aiguillages électoraux          | 7                                 | 44%                               |
| RSR La 1ère  | Les débats électoraux               | 6                                 | 39%                               |
| RSR La 1ère  | Face aux partis                     | 12                                | 53%                               |
| RSR La 1ère  | Espace de programme                 | 9                                 | 34%                               |
| RSR La 1ère  | Capsules électorales régionales     | 15                                | 49%                               |
| RSI Rete Uno | Tipi                                | 6                                 | 57%                               |
| RSI Rete Uno | Speciale sera                       | 9                                 | 63%                               |
| RSI Rete Uno | Modem                               | 9                                 | 52%                               |

\* la part al martgà: quant ch'in tschert program vegn guardà/tadlà en cumparegliaziun cun l'utilisaziun totala durant in tschert temp d'emissiun

## L'ABC d'elecziuns a la telescola dad SF

«Elecziuns – il center da la democrazia. Co che la Svizra elegia ses parlament». Uschè sa numna ina emissiun da telescola da la televisiun svizra (SF). En 30 minutas vegnan decleradas las premissas fundamentalas d'elecziuns democraticas: ils circuits electorals, la repartiziun da mandats dal parlament, la lavur da las partidas e finalmain l'elecziun a l'urna.

L'emissiun cumenza cul tema anarchia, cuntinua culs cravals a Turitg 1968, preschenta l'artitgel 149 da la constituziun federala, declera il tema propaganda electorala, mussa, co ch'ils mandats vegnan calculads e co ch'ils resultats da las elecziuns vegnan publitzads. Mintga pass vegn preschentà cun scenas da scolars ed illustrà cun graficas, dentant er cun maletgs da la politica reala or da l'archiv. L'emissiun pon ins guardar en l'internet tar [www.schulfernsehen.ch](http://www.schulfernsehen.ch) (rubrica emissiuns/tschertgar: noziun «elecziuns»), ella po er vegnir emprestada sco VHS en in dals blers centers da didactica regionalis. Fegls da lavur per scolaras e magisters cumpletteschan il film e pon vegnir duvrads en l'instrucziun civica.



Scolaras e scolars jogan las elecziun pass per pass.

### En atgna chaussa

Vulessas Vus l'«update» pli gugent en furma electronica? La via ad in abunament dad e-mail maina sur la pagina [www.srgssrideesuisse.ch](http://www.srgssrideesuisse.ch)

- servetsch da mail
- abunar il servetsch da mail
- agiunscher las datas da l'utilisader e cliccar sin las publicaziuns giavischadas
- arcunar

Sche Vus essas vegni/da confermà/da sco abunent/a, pudais Vus bandunar la pagina cun l'opziun partir. Vus pudais midar u annular l'abunament da tut temp.